

Sin buna via – al Fond Svizzer per la Biodiversitat?

Il rapport da lavur dal FSC 2013/2014 è cumparì

■ Var 240 projects en connex cun la tgira da cuntradas cultivadas en accord cun la natira ha il Fond Svizzer per la Cuntrada FSC pudì sostegnair ils ultims dus onns – e quai cun totalmain 10,9 milliuns francs. Quai resorta dal pli nov rapport da lavur dal FSC. Il fond è vegnì fundà il 1991 dal parlament federal per il giubileum da 700 onns Svizza; sia cuntinuitad sto vegnir segirada proximamain da nov. Il president dal FSC *Marc F. Suter* skizzescha en la publicaziun illustrada ritgamain ina pussaviladat interessanta co ch'ins pudess segirar il futur dal FSC, suenter che scada la limitazion temporara legala la mesadad dal 2021: l'instrument da promozion da la confederaziun liber d'ina administratiun, però dependent da la lescha, pudess vegnir transformà tenor l'exempel da Pro Helvetia en ina fundaziun. Cunzunt pudess ses champ d'activitat cumpigliar ultra da la tgira da la cuntrada era la promozion da la biodiversitat – per quella è s'engaschè il FSC già fin ussa, però cun medis finanzials bler memia stgars.

Marc F. Suter spera sin il plan d'acziun Biodiversitat

«Il Fond Svizzer per la Cuntrada è er in Fond Svizzer per la Biodiversitat – ed en il futur pudess el esser quai anc pli savens», scriva il president dal FSC en ses artitgel da princip. Las cuntradas cultivadas tgiradas e revalitadas cun il sostegn dal FSC tutgian tar las surfatschas cun la pli gronda diversitat da spazis da viver e da spezias d'animals e da plantas. L'engaschament dal FSC per cuntradas cultivadas en accord cun la natira gaja uschia maun en maun cun la promozion da la biodiversitat. Perquai han ins proponì d'estender il FSC en favur da la biodiversitat, d'al conceder ulteriurs medis finanzials e d'al garantir ina prolongazion illimitada sco mesira concreta per il plan d'acziun Biodiversitat, il qual vegn actualmain preconsultà dals chantuns. Da l'eco dals chantuns e da la procedura da consultaziun planisada il 2016 spera il president dal FSC in «signal empermettent per l'ulteriura discussiun en connex cun la prolongazion dal FSC». Quella duai vegnir lantschada il 2016 – per il giubileum da 25 onns dal FSC – cun il parlament nov elegi.

Commembers da la cumissiun dal FSC preschentan projects

Silvio Bircher, il vicepresident dal FSC, accentuescha en sia contribuziun en il rapport da lavur la ferma engragischaziun al lieu dals projects promovids. Grazia als numerus purtaders locals e regiunals ed a las bleeras personas che sa mettian en «cun blera passiun, chau e giudizi» per ils stgazis da nossas cuntradas, che dettian fermi impuls, che prestian blera atgna lavur e che contribueschian er a la sensibilisaziun da la publicitat en general possia il FSC s'engaschar a moda talmain vasta e diversa per cuntradas cultivadas en accord cun la natira. Ils ulteriurs commembers da la cumissiun dal FSC, la quala decida davart contribuziuns da promozion e che vegn elegida da nov la fin da l'onn dal cussegli federal, demussa a maun d'exempels tschernids tge engaschament multifar ch'il FSC ha pudi sostegnair ils ultims onns. Il spectrum tanscha da la revalitaziun d'ina cuntrada da pali en la Planira Bernaisa sur la renovaziun da bigl vegls en il Malcantone e la tgira dad aleas da ruver veglias a Genevra fin a projects dal FSC plitost classics cun pumers cun bist aut e mirs sitgs impressiunants.

Persunas prominentas laudan las bellas cuntradas

En pli chatt'ins en il nov rapport da lavur dal FSC era puspè vuschs da persu-

nas prominentas che n'en betg exnum enconuschantas pervi da lur plaschair da bellas cuntradas, ma che apprezzieschan l'engaschament en favur da quelles. Il musicist *Endo Anaconda* («Stiller Has»), la skiunza da cursa tessinaisa *Lara Gut*, il lutgader e victur da 99 cranzas a festas da lutga *Chrigu Stucki*, ils auturs *Tim Krohn* ed *Alex Capus*, la Miss Earth actuala *Corinne Schädler* ed autras per-

sunalitads animeschan cun lur statements da reflectar e d'apprezziar – sco era da s'engaschar per la natira e la cuntrada.

Il rapport da lavur vegn cumplettà cun indicaziuns statisticas e cun in engraziamenti a fundaziuns privatas, a chantuns, a vischnancas ed a personas privatas che gidan il FSC a generar medis supplementars. Cunquai ch'el po

da preschent distribuir pervi dals tschains nulla mo pli quatter milliuns francs ad onn (empè da fin sis milliuns sco auters onns), è il FSC pli e pli dependent da contribuziuns facultativas e da donaziuns per pudair cuntinuar cun ses engaschamenti apprezziai en favur da cuntradas cultivadas en accord cun la natira.

Bruno Vanoni, incumbensà d'infurmaziun

La Via dil Crucifix – ina via veglia dat in nov accent a la cuntrada da la Cadi


Ina giada era ella in gnerv vital trant il vitgs da Surrein e da Sumvitg en Surserla. La Via dil Crucifix è la pli curta colliaziun da las duas fraczions; ina è situada al fund da la val dasper il Rain, l'autra bun 100 meters d'autezza pli nensi sin la spunda vers sid sulegiiva. Cun il temp ha la via veglia pers sia impurtanza, ins l'ha laschà ir en decadenza, mirs als urs da la via èn creschids en e la sulada da crap groppa è svanida sut la terra e sut l'erva. Restadas da la colliaziun veglia da Surrein e Sumvitg èn regurdientschas al temp avant ch'i deva vias modernas, il traffic privat motorisà ed il bus da scola. Il 2006 ha *Peter Egloff*, domicilià al lieu, già l'idea da restaura-

rar il monument da la cuntrada. El ha pudì persvader la vischnanca da ses plan e quella ha fatg ina dumonda da project al Fond Svizzer per la Cuntrada FSC. Quel ha garantì ina finanziazion restanta da 40 pertschient dals custs calculads da 193 600 francs per restaurar la via. Ins ha pudì prender per mauns il project da restauraziun la fin da mars 2011. Ils proxims traïs onns èn s'engaschadas 130 personas – agriculturs, purs, uniuns, classas da scola ed auters – per l'ovra da restauraziun. 24 personas da la regiun han absolvi in curs introductiv da dus dis per emprender da construir mirs sitgs. Manà il curs ha il spezialist da mirs *Pius Walker* da Val. Il pur *Sep Benedetg*

Candinas ha organisà ils engaschaments tenor la lavur cumina tradiziunala. Quai ha possibilità blers inscunters preziosi a l'intern da la vischnanca, ma era tals che han tanschì sur ses cunfins ora.

Il fanadur 2014 han ins pudì inaugurar la via cun la sulada fatgà libra flançada da mirs, da retschas da crappa e da saivs vivas, chaglias e d'intgins pumers plantads da nov. Cun questa via han ils abitants ed ils visitaders da la regiun al Rain Anterior survegnì enavos in bain cultural custaivel. Per la flora e la fauna han ins créa in spazi da viver varià. En il futur procura la vischnanca per il manegniment da la Via dil Crucifix.

Robert Kruker



La Via dil Crucifix per viandants è la pli curta colliaziun trant Surrein e Sumvitg. Quella è vegnida sanada e sa preschenta puspè en ses stan oriund.

FOTO J. F. PAJAROLA